



08. maj 2023

UPA 2023/62
Jens Napâtôk'

Innuttaasunut, aalisartut, piniartut savaatillillu inuussutissarsiorlutik ingerlatsinerminni silap allanngoriartorneranut attuumassutilimmik ajunaarnersuarmut assingusumik eqqugaasut aningaasatigut ikiorserneqarnissaat siunertaralugu Naalakkersuisut Aningaasanut Inatsimmi kontumik nutaamik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Kontomik pilersitsinerup peqatigisaanik kattuffiit attuumassuteqartut suliamut akuliutsinnerisigut ikiorsiisarnermik aaqqissuusinermut periusissanik aalajangersaanissamik Naalakkersuisut suliaqassapput, tamanna kontumi pingaarnermi oqaasertaliinikkut imaluunniit namminerisamik inatsisissartut siunnersuuteqarnikkut pissaaq.

(Inatsisartunut ilaasortaq Agathe Fontain, Inuit Ataqtigiit)

Siullermeernera

Inatsisartunut ilaasortaq Agathe Fontain, Inuit Ataqtigiit siunnersuuteqarninnut Naleqqamiit qut-savigerusuppatsigit imatullu Naalakkersuisut peqquneqarnissaanik siunnersuutigisannut oqaaseqaa-teqassalluta.

Innuttaasunut, aalisartut, piniartut savaatillillu inuussutissarsiorlutik ingerlatsinerminni silap allanngoriartorneranut attuumassutilimmik ajunaarnersuarmut assingusumik eqqugaasut aningaasatigut ikiorserneqarnissaat siunertaralugu siunnersuut qulequtserneqarsimasoq Naalakkersuisullu kontomik pilersitsinermi peqatigisaanik kattuffiit attuumassuteqartut suliamut akuliutsinnerisigut ikiorsiisarnermik aaqqissuusinermik periusissamik aalajangersaanissamik Naalakkersuisut suliaqassasut kontomi pingaarnermi oqaasertalikkamik imaluunniit namminerisamik inatsisissatut siunnersuuteqarnikkut pissasoq siunnersuuteqartup inatsisartunut Naalakkersuisut peqquneqarnissaanik Inatsisartut aalajangiiffigisassaattut siunnersuut qaqilerpaa.

Siunnersuuteqartup ugartugaa Naleqqamiit paasilluarsinnaavarput aammalu isumaqartuarsinnarpugut periarfissaareersoq siornatigummi Naalakkersuisut ikiorsiisarsimanerat kialluunniit politikikkut malinnaasup nalunngereerpaa.

Taamatullu aamma coronap nalaani takuarput takornariartitsisartunut unnusuisarfiutilinnut allarpassuarnullu aningaasatigut millionerpassuarnik ikiorsiissutitut ilaatigut tapiiffigineqarlutik millionerpassuarnik ingerlareersut tapiiffigissaarneqarlutik immikkut ittumik iliuuseqarfigineqartaartut. Taamaammallu Naleqqamiit tupisuutigisimaqaarput aalisartut noqqaallutik aaqqiisoqarnissaanik nilliaateqartut ikiorserneqavinninnerat ilami naggataatigut aaqjiinininnguit ikiorsiinertut taaneqarsinnaanngimmata.



Taamatullu siorna 2022-imi ukiorlunnera ilutigalugu ukiup naajartulernerani qinnuteqaraluartut tupinnaraluartumik ikiorserneqanngillat suliaasaq kattuffiit aqutigalugit ingerlanneqaraluarmalluunniit. Naalackersuisut naggataatigut piniartut tapisiassaasut siuartillugit aaqqiiffigaat. Aalisartut allallu puisinik pisaqalaartarlutik inissisimasut amernik tigooraasut atugaat ajungaarmata sumiiffiit ilaannaani pinngitsaalisamik politikkikkut akuerineqarluni sumiiffippassuarni tunniusisoqarsinnaajunnaarlugu amminik tigooraaveqarani inissimalluni aqqissuussiffiusimasumi aammalu killeqaqisumik ilungersunartumillu taakku tigooraasut sineriatsinni atugaat ajoqisut qivianguarnagit ameersimasut ameerutiminnik tapisiaat siuartinneqaannarpoq eqqarsaatigineqarani tigooraasut killilersugasut sumiiffiit ilaannaani atuuttut ila killeqartuusut Naalackersuisut nalugunangikkaluarpaat. Tapisiat siuartillugit tiguneqarput ilaasa tapisaraat 100 kr ilaasa 200 kr. Nioqqutissallu akitsorujusuarnikuusut allarpassuillu qiviaraanni ilumut Naalackersuisut taamatut aaqqiigamik misigisimanerput iluamik aaqqiillutik, ilami pisariaqartitsivillutik ikioqqupput taamanikkut nuannariinnarlugu ikioqqunikuunngillat aatsaat akunnattuuikkamik ikioqqupput.

Naalackersuisup siulittaasuata uteriittoqarluni toqqammavilersortunut nipangersaallunilusoq akissutigaa misissuinerarluni misissuereerluni uterfigiumaarlugu qanoq aaqqiisoqarsinnaanersoq tamatuminnigalu tusarfigeqqinnagu tammaannarpoq takoqqingilarput maannamut suliamut uunga tunngatillugu. Naalackersuisut aaqqiiniarlutik misissuinerartut tutsaqarnaveermata takkunnaveerlutillu Naalackersuisup siulittaasuata parteeqataata kiisa siunnersuuteqarfigivaa uatsituulli utaqqikatakkunarlugu misissuiniarluni oqariartuutaa tusarfigeqqinnginnatigumi.

Innuttaasunut, aalisartut, piniartut savaatillillu inuussutissarsiorlutik ingerlatsinerminni silap allanngoriartorneranut attuumassutilimmik ajunaarnersuarmut assingusumik eqqugaasut aningaasatigut ikiorserneqarnissaat siunertarlugu konto-mik pilersitsinissaq Naleqqamiit isumaqarpugut periarfissaareersoq aammalu ajunaarnersuarmik assingusumik inissittarneq pillugu ukiut tamaasa Inatsisartut aningaasat inatsisaatigut konto pingaarnertut oqaasertaliilluta immikkoortitsisarpugut.

Una konto-mik maannakkut pilersinniagaq paasiuminaatseqaarput aammalu tupigusuutigaarput qanoq iliuuseqarnaveersaarsinnarluni ukioq naajartulersoq pillugu maannakkut aatsaat saqqummiunneqarmat.

Ajunaarnersuarmik ittutut pisoqarnerani ikiorsiinissamik periarfissaqareerpugut aningaasanut inatitsimmi, taamaammatt Naleqqamiit paasisinnaanngilluinnarparput periarfissaareersup qaavatigut aaqqiiniarneq.

Uagut Naleqqami Inuit Ataqtigiit socialistiuneranut allaanerussutigisartagarput uani aamma iserpoq isumaqaratta inuit ullumi aalisagartugassaanic tunillugit pigutta aamma aqagu aalisagartugassaanic tuneqqittaariaqalissavarput, inuit taamatut tunioraqattaarunnaarlugit nerisassasaanik nammineq inuussutissarsiorsinnaanngorlugit politikkikkut aqqissuussisariaqarpugut. Aalisagar-



tugassaanik tuniinnartarunnaarlugit aalisatissaanik tuniniartigit taava nammineq pilersulissapput. Aalisarnikkut aalisarniartut aporfilersorpallaarujussuarpagut killilersuinerpassuartigit.

Nunaqarfiit ilaasa fabrikkii matuneqartartut isiginnaaginnarpagut uffalu aningaasrsiornikkut napataat aningaasarsiornermi uummataat peerneqartut aaqqiiffiginnguarnagit maanna kontomik pige-riigatsinnik siunnersuuteqartoqaannarpoq.

Inerisaalluta aporfiit piiarlugit aningaasarsiorsinnaangorlugit aaqqissuussiniarta aamma aalisartut amerlanerit taamatut aporfeqarpallaarnatik inissisimalersimasut isigaagut. Ukiornissaanut ullut ilungersunarnerusut piareersimaffiginiarlugit peqqumaasorsorlutik inissisimasut amerliartoraluarlutik Naalackersuinnikkut politikikkullu aporfilersuinerput annertuallaarujussuarpoq.

Nunarput pisuussutinik ulikkaarpoq, ilaannarpoq, killilersuinerujussuit annertuallaamik ingasattajaartumik ingerlanneqartut qimallugit nunap inui aningaasarsiorsinnaangorlugit aaqqissuusijuartariaqartugut uagut Naleqqamiit isumaqarpugut ikiorsiisarnerit qimanneqarniassapput nunap inui aporfilersorneqarunnaarlutik nammineq aningaasarsiorusukkalarput pitsaanagerusumik periarfissarsiorniartigit ikiorsiissutit tapiisarnerit pisariaqartinneqartut atuutsinnigilagut inuit nammineq pilersornissaanut aalisakkanik ulloq ataasiakkaarlugit tuniorarnissaanik politikkeqarneq qimallugu inuit nammineq pilersorsinnaangorlugit aalisatissaanik sakkusaaanik periarfissalersorlugit nammineq napatisinnaangorlugit aaqqissuussisariaqalersugut Naleqqamiit isumaqareerpugut nukigut piffissarpullu atorlugu konto-mi periarfissaqareersumi pilersitseqqittaaginnarata.

Ukiorpassuarni nunatsinni nunap inui naleqqussartuarsimapput maannakkut unamminartumik inis-sittaarnerput periarfissarpassuarnik aamma ammaassisuvoq atorluarlugu nunap inui nammineq aningaasarsiorsinnaangorlugit aaqqissuussiniarta silaannaap kissatsikkiartornera ajortuinnaangi-laq periarfissarpassuarnik ammaassiosoq naleqqussarfigalugu alloriaqqinnissamut pitsaaqutai atorluarlugit innuttaasut nunap inui aningaasarsiorfissaanik aqutissiuniarta ukiuuneranut ullunut ilungersunarnerusunut toqqortuisinnaangorlugit tassa Naleqqami uagut politikkerput.

Konto pilersinniarneqartoq Inatsisartut Aningaasanut inatsisaanni periarfissaareersoq Naleqqami isumaqarfigaarput, taamaammallu suliaassarpassuagut allat inerisaanerit atorlugit aningaasat immikkoortinniarneqaraluartut inerisaanermut immikkoortinnissaat uagut kissaatigineruarput. Taamaammallu allannguutissatut imatut siunnersuummut siunnersuuteqarusuppugut:

“Innuttaasunut, aalisartut, piniartut savaatillillu inuussutissarsiorlutik ingerlatsinerminni silap allanngoriartorneranut siuarsaanissamut nammineq aningaasarsiorsinnaannut iluaqutaasumik siuarsaanissamik aningaasaateqarfimmik Naalackersuisut Aningaasanut Inatsimmi kontumik nutaamik pilersitseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut”.



Naleraq

Taamatut Naleqqamiit oqaaseqarluta allannguutissatut siunnersuuterput partiinit ilassilluarneqarluni ataatsimiititaliami ilanngullugu nalilersorluarneqarumaartoq. Nunap inui aningaasarsiornissaanut aqutissiuisa aporfii piiartigit nammineq pilersornerulernissaanut aqutissieqataasa Naalagaaffinngorniarpugut nunap inui nukittorsarlugit aporfii piiarlugit periarfissarsiortigit.

Qujanaq